



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

07.06.2023

349-tm-son

### **Talabalarni rag'batlantirish to'g'risida**

O'zbekiston Respublikasi Prezidentining 2020-yil 29-apreldagi "O'zbekiston Respublikasida yuridik ta'lim va fanni tubdan takomillashtirish bo'yicha qo'shimcha chora-tadbirlar to'g'risida"gi PF-5987-son Farmoni, Vazirlar Mahkamasining 2020-yil 31-yanvardagi "Oliy ta'lim muassasalari talabalariga to'lanadigan stipendiyalar miqdorlarini belgilash hamda stipendiyalar tayinlash va to'lash tartibini takomillashtirish chora-tadbirlari to'g'risida"gi 59-son qarori, Toshkent davlat yuridik universiteti (bundan buyon matnda – Universitet) rektorining 2022-yil 17-fevraldagi "Toshkent davlat yuridik universitetida ma'naviy-ma'rifiy ishlarni tizimlashtirish hamda talabalarning iqtidor va iste'dodlarini aniqlashni yangi bosqichga olib chiqish to'g'risida"gi 36-um-son, 2022-yil 28-oktabrdagi "Toshkent davlat yuridik universitetida klub va doimiy loyihalar faoliyatini samarali tashkil etish to'g'risida"gi 333-um-son buyrug'ida belgilangan vazifalar ijrosini ta'minlash, iqtidorli talabalar safini kengaytirish, ularga keng imkoniyat yaratish, munosib qo'llab-quvvatlash hamda universitet Stipendiya komissiyasining 2023-yil 2-iyundagi talabalarni moddiy rag'batlantirish masalasi bo'yicha yig'ilishining 10-son bayonnomasiga muvofiq,

### **BUYURAMAN:**

1. Toshkent davlat yuridik universiteti Stipendiya komissiyasining 2023-yil 2-iyundagi talabalarni moddiy rag'batlantirish masalasi bo'yicha o'tkazilgan 10-son yig'ilish bayoni ma'lumot va ijro uchun qabul qilinsin.

2. Quyidagilar:

Universitet rektorining 2022-yil 28-oktabrdagi "Toshkent davlat yuridik universitetida klub va doimiy loyihalar faoliyatini samarali tashkil etish to'g'risida"gi 333-um-son buyrug'i hamda u bilan tasdiqlangan chora-tadbirlarga muvofiq, yanvar-iyun oylari davomida universitetda 30 dan ortiq loyihalar va tadbirlar amalga oshirilganligi, ularda talabalarning egallagan nazariy bilimlarini amaliyot bilan yanada mustahkamlash, tanlagan kasblariga bo'lgan muhabbatini yanada oshirish, bahsga kirishish hamda notiqlik mahoratini oshirish,

kitobxonlikka qiziqtirish, sog'lom turmush tarzini keng targ'ib qilishga e'tibor qaratilganligi;

Universitet rektorining 2022-yil 17-fevraldagi "Toshkent davlat yuridik universitetida ma'naviy-ma'rifiy ishlarni tizimlashtirish hamda talabalarning iqtidor va iste'dodlarini aniqlashni yangi bosqichga olib chiqish to'g'risida"gi 36-um-son buyrug'ida talabalarning bilimlarini mustahkamlash va ular o'rtasida huquqshunoslik yo'nalishidagi loyiha va tanlovlarni o'tkazishga alohida e'tibor qaratilganligini, shunga muvofiq, talabalarning nazariy bilimlarini huquqni qo'llash amaliyoti bilan mustahkamlash, ularda sudya, prokuror va advokatning kasbiy fazilatlarini shakllantirish, amaliy ko'nikmalarga ega bo'lishiga ko'maklashuvchi **TSUL Court namunaviy sud protsesslari** tanlovining saralash bosqichi 2023-yilning fevral-may oylari davomida Jinoiy hamda Fuqarolik ishlar bo'yicha tashkil etilganligi, ushbu tanlovda fakultetlar hamda huquqshunoslik yo'nalishidagi oliy ta'lim muassasalaridan **165 ta jamoalar**, umumiy hisobda **800 dan ortiq talabalari** ishtirok etganligi, na'munaviy sud protsesslari tanlovining final o'yinlari Toshkent shahar jinoiy va fuqroluk sudi binosida o'tkazilganligi;

Universitet rektori tomonidan 2023-yil 12-aprel kuni tasdiqlangan "Toshkent davlat yuridik universitetida "Yoshlar hayotida 5 muhim tashabbus" shiori ostidagi o'tkaziladigan **"Talabalar festivali"** doirasidagi tadbirlar rejasi"ga muvofiq 2023-yilning 15-20-may kunlari universitetda Talabalar festivali o'tkazilganligi, Talabalar festivali doirasida **20 ta loyiha** va tanlovlar, huquqiy aksiyalar o'tkazilganligi hamda unda ishtirok etish uchun **2 000 dan ortiq** talabalar ro'yxatdan o'tib, **1 650 nafari** ishtirok etganliklari, loyiha va tanlovlar doirasida **2 000 dan** ortiq talabalar tomoshabin sifatida ishtirok etib, kuzatib borganligi;

Universitet rektorining 2023-yilning 24-fevraldagi "Toshkent davlat yuridik universitetida 8-mart – Xotin-qizlar kuni bayramini munosib kutib olish va o'tkazish to'g'risida"gi 37-um-son buyrug'iga muvofiq "Miss yurist – 2023" ko'rik-tanlovi o'tkazilganligi;

2023-yilning 16-mart kuni Commercial Law Development Program (CLDP) ko'magida "Ostona" xalqaro moliya markazi sudi tomonidan tashkil etilgan "Central Asia Vis Pre-Moot" tanlovida "TSUL Vis Moot" jamoasi munosib ishtirok etib, faxrli o'rinlarni qo'lga kiritganligi;

2023-yil 10-20-aprel kunlari "Philip C. Jessup International Law Moot Court Competition — 2023" tanlovining Vashington shahrida (AQSH) o'tkazilgan xalqaro raundlarida ishtirok etganligi, dunyoning 140 dan ortiq mamlakatidan 700 dan ziyod jamoa qatnashgan tanlovda universitet jamoasi 41-o'rinni egallaganligi, bu orqali O'zbekiston Jessup Mootda ishtirok etgan mamlakatlar orasida 23-o'rinni egallaganligi;

2023-yilning 17–19-may kunlari O'zbekiston Respublikasi davlat soliq qo'mitasi huzuridagi Fiskal institutida TaxIn Tashkent 2023 xalqaro soliqqa tortish bo'yicha tanlovning final bosqichida universitet jamoasi munosib ishtirok etib, sovrinli o'rinlarni qo'lga kiritganligi hamda joylarda keng e'tirof etilayotganligi

inobatga olinsin.

3. Universitet Stipendiya komissiyasining 2023-yil 2-iyundagi talabalarni moddiy rag'batlantirish masalasi bo'yicha o'tkazilgan 10-son yig'ilish bayoniga muvofiq loyiha va tanlovlarda g'oliblikni qo'lga kiritgan hamda universitet faoliyat samaradorligiga o'zining munosib hissasini qo'shib kelayotgan talabalarni moddiy rag'batlantirish bo'yicha taqdim etilgan taklifiga rozilik berilsin.

4. Universitetda 2022/2023-o'quv yilining ikkinchi semestri davomida o'tkazilgan loyiha va tanlovlarda munosib ishtirok etib g'oliblikni qo'lga kiritgan hamda alohida iqtidori bilan ta'lim va tarbiya jarayonlarini tashkil etishda faollik ko'rsatib kelayotgan talabalar ilovadagi jadvalga muvofiq moddiy rag'batlantirilsin.

5. Buxgalteriya (M.Parpiyev) mazkur buyruq ilovasi bilan tasdiqlangan talabalarni moddiy rag'batlantirish bilan bog'liq to'lovlarni Talabalarni rag'batlantirish jamg'armasi mablag'lari hisobidan to'lab berilishini ta'minlasin.

6. Moliya iqtisod masalalari bo'yicha prorektor A.Iminov universitetda o'tkaziladigan loyiha va tanlovlarning fakultet bosqichlari uchun fakultet dekanlarining bildirgilariga muvofiq, mos ravishda sovg'alar (bakal, termos, kitob, sport anjomlari kabi)ni universitet hisobidan xarid qilib, fakultet dekanatlariga taqdim etilishini nazoratga olsin.

7. Ma'naviyat va ma'rifat markazi (Sh.Po'lotov) hamda fakultet dekanlari: rag'batlantirilgan talabalar to'g'risidagi ma'lumotlarni talabalar orasida hamda ijtimoiy tarmoqlar orqali keng targ'ib qilish choralarini ko'rsin;

talabalarni rag'batlantirish bilan bog'liq bo'lgan buxgalteriya hujjatlarini talabalar tomonidan o'z vaqtida buxgalteriyaga taqdim etilishini ta'minlasin hamda saqlanishini nazorat qilsin.

8. Ushbu buyruq ijro nazorati birinchi prorektor A.Xashimhonov va prorektor A.Iminovlar zimmasiga yuklansin.

**Rektor v.v.b.**



**I.RUSTAMBEKOV**

Toshkent shahar

## **Kiritildi:**

Direktor

SH.PO‘LOTOV



## **Kelishildi:**

Moliya-iqtisod ishlar bo‘yicha  
prorektor

A.IMINOV



Yoshlar masalalari va ma‘naviy-  
ma‘rifiy ishlar bo‘yicha birinchi  
prorektor

A.XASHIMHONOV



Bosh buxgalter

M.PARPIYEV



Dekan (fan doktori yoki fan doktori  
(Doctor of Science) ilmiy darajasiga  
yoki xorijiy davlatlarning unga  
tenglashtirilgan boshqa ilmiy  
darajalariga yoki professor ilmiy  
unvoniga ega bo‘lgan)

SH.SAYDULLAYEV



Dekan (Fan nomzodi yoki falsafa  
doktori (Ph.D) ilmiy darajasiga yoki  
xorijiy davlatlarning unga  
tenglashtirilgan boshqa ilmiy  
darajalariga yoki dotsent ilmiy  
unvoniga ega bo‘lgan)

D.KAMALOVA



Dekan (fan doktori yoki fan doktori  
(Doctor of Science) ilmiy darajasiga  
yoki xorijiy davlatlarning unga  
tenglashtirilgan boshqa ilmiy  
darajalariga yoki professor ilmiy  
unvoniga ega bo‘lgan)

B.MUSAYEV



Dekan (fan doktori yoki fan doktori  
(Doctor of Science) ilmiy darajasiga  
yoki xorijiy davlatlarning unga  
tenglashtirilgan boshqa ilmiy  
darajalariga yoki professor ilmiy  
unvoniga ega bo‘lgan)

D.UMARXANOVA



Katta yuriskonsult

A.TURSUNOV

